



বেলমন্তক

# বেলমন্তীর নির্দেশে সারা দেশে সমস্ত স্তরের বেল কর্মীদের মানোন্নতির জন্য ব্যাপক প্রশিক্ষণ কর্মসূচি

Posted On: 15 NOV 2017 5:46PM by PIB Kolkata

ভারতীয় রেলের কর্মীদের জ্ঞান ও দক্ষতার মানোন্নতির লক্ষ্যে কেন্দ্রীয় রেল ও কয়লা মন্ত্রী শ্রী পীয়ুষ গোয়েলের নির্দেশে ব্যাপক প্রশিক্ষণ কর্মসূচির পরিকল্পনা গ্রহণ করা হয়েছে। এই প্রশিক্ষণ কর্মসূচির নাম দেওয়া হয়েছে ‘ প্রজেক্ট সফল ’। এটি বেল কর্মীদের সক্ষমতা ও সৃজনশীলতা বাড়ানোর ক্ষেত্রে সহায়ক হবে।

এর আওতায় প্রত্যেক অঞ্চলের সমস্ত কর্মীকে পরবর্তী এক বছরের মধ্যে কাজের সঙ্গে সংশ্লিষ্ট বিষয়ের পাশাপাশি দক্ষতার ওপর জোর দিয়ে এক সপ্তাহের এই প্রশিক্ষণ সূচি তৈরি করা হবে। এই প্রসঙ্গে রেলওয়ে বোর্ডের চেয়ারম্যান শ্রী অশ্বিনী লোহানির পক্ষ থেকে রেলের সমস্ত আঞ্চলিক কেন্দ্র ও উৎপাদন কেন্দ্র সমূহের জেনারেল ম্যানেজারকে অবহিত করা হয়েছে। সেই সঙ্গে প্রত্যেক পর্যায়ের কর্মীর জন্য দ্রুত প্রশিক্ষণ প্রদানের অগ্রাধিকারের বিষয় বাছাই করার জন্যও প্রত্যেক অঞ্চলের জেনারেল ম্যানেজারকে উপদেশ প্রদান করা হয়েছে। প্রশিক্ষণের বিষয় বাছাইয়ের প্রক্রিয়া সম্পন্ন করে সমস্ত অঞ্চলের জন্য সুনির্দিষ্ট প্রশিক্ষণ সূচি তৈরির কাজ চলতি বছরের শেষ দিনের মধ্যে সমাধা করতে হবে।

এমনিতে রেলের সুসংহত ভাবনা বা দর্শন ও মানসিকতা অনুযায়ী ক্রমাগত শিখতে থাকা এবং প্রশিক্ষণ প্রক্রিয়ার অন্তর্ভুক্ত হওয়ার বিষয় স্বাভাবিকতার অঙ্গ। কিন্তু একই সঙ্গে সমস্ত স্তরের কর্মীদের সুনির্দিষ্ট বিষয় বাছাই করে সংক্ষিপ্ত সময়ের প্রশিক্ষণের মাধ্যমে উৎপাদনশীলতা ও সক্ষমতার চাহিদা পূর্তি হবে।

রেল পরিষেবার পরিসীমা বাড়ানোর পাশাপাশি আজকের দিনে নতুন ট্রেন, বিভিন্ন রকম উচ্চ গুণমানের পরিষেবার বিষয়ও নিয়ে আসছে রেলওয়ে। একই সঙ্গে ভারত সরকারও সর্বোচ্চ মানের এবং নিরাপদ রেল পরিষেবা প্রদানের ব্যাপারে প্রতিশ্রুতিবদ্ধ। যাত্রী সাধারণের পাশাপাশি নিয়মিত রেল পরিষেবা গ্রহণকারী সবারই প্রত্যাশা ক্রমাগত বেড়ে চলেছে। সেই প্রত্যাশা ও প্রতিশ্রুতি মোতাবেক কর্মীদের সক্ষমতা ও দক্ষতা বৃদ্ধি খুবই জরুরি হয়ে পড়েছে। আর সেই লক্ষ্য পূরণেই প্রশিক্ষণের এই আয়োজন।

রেলের প্রশিক্ষণকেন্দ্রে সপ্তাহের পাঁচটি কর্মদিনে সাজানো এই প্রশিক্ষণ ব্যবস্থাপনা বা ক্লাসরুম ট্রেনিংয়ের বিষয় প্রশিক্ষণ থ্যাট অনুযায়ী নির্দিষ্ট করা হবে। যাইহোক, প্রশিক্ষণ গ্রহণকারি সমস্ত কর্মী ও তাঁদের ম্যানেজাররা প্রাক-প্রশিক্ষণ ও প্রশিক্ষণ পরবর্তী প্রক্রিয়াসহ সার্বিক প্রশিক্ষণ সম্পাদনের রিপোর্ট রেলওয়ে বোর্ডের কাছে প্রেরণ করবেন। এতে প্রশিক্ষণের প্রাথমিক প্রভাবের ব্যাপারেও উল্লেখ করা হবে। মোট কথা ভারতীয় রেল ব্যবস্থাপনা পরবর্তী ৯ মাসে ‘ প্রজেক্ট সফল ’ এর আওতায় প্রশিক্ষণ কর্মসূচির সমস্ত বিষয় সম্পন্ন করার মধ্য দিয়ে মানোন্নত দক্ষতার বেল পরিষেবা নিশ্চিত করা সহ সূদূর প্রসারী সুফল সংশ্লিষ্ট সবার জন্য নিয়ে আসতে পারবে, বলাই বাহুল্য।

(Release ID: 1509639) Visitor Counter : 3

